

衢縣志

第十册

卷十五 艺文志下

郑永禧纂

胡國康

衢縣志卷十五

藝文志下 三目

子部

集部

附錄

胡國康

衢縣志卷十五

縣人 鄭永禧 纂

藝文志下

子部

注太玄經附玄頤 宋徐庸撰

宋史藝文志儒家類徐庸注太玄經十二卷又玄頤一卷 玉海藝文引國史志

徐庸注太玄經十二卷 浙江通志引同惟玄頤作玄蹟嘉慶縣志依作蹟

按府志於太玄經解下附注國史志十二卷似爲一書詳下

太玄經解 宋徐庸撰

晁氏讀書志徐庸注太玄經解十卷庸慶曆間人也以范望解指義不的因王涯

林氏諸解重爲之注取王涯說玄附於後及自爲玄頤通名之爲太玄性總其自

序云爾又多改其文字如以屹爲屹以姪舊鈔爲姪袁本姪以壯袁本壯凡爲札乃

行 袁本有以半爲手四字 以變爲變以稚爲推之類其所謂林氏者瑤也賈文元嘗闢瑤之姦

妄於朝

文獻通考十卷引晁氏說

焦氏經籍志亦作太玄經解十卷 康熙府志有太

玄經解無注太玄經合書嘉慶縣志兩書並列

按此二書雖同出一手亦有前後見解之不同庸見經部易下

聽玄集 元吾邱衍撰

倪氏遼金元史藝文志浙江通志康熙府志均著錄無卷數 王禕吾邱子行傳

單舉聽玄集

造玄集 元吾邱衍撰

康熙府志著錄

造化集 元吾邱衍撰

浙江通志著錄 宋濂吾衍傳聽玄造化集合編 嘉靖仁和志同



極玄造化集 元吾邱衍撰

錢氏元史藝文志著錄

按胡長孺吾子行文家銘衍讀太玄經號貞白處士又葉森次韻詩云草玄弟子今尙在零落江南雙鬢塵又衍別友詩云欲語太玄何處問西泠西畔斷橋邊是其晚好談玄故言之如此觀上數種名義相似諸家著錄雖有不同皆足發明玄理也

以上儒家玄學

世範 宋袁采撰

宋史藝文志袁采世範三卷 直齋書錄世範三卷三衢袁采君載著 文獻通考同 續通志三卷見文淵閣書目 葉氏蓁竹堂書目及錢氏述古堂書目並著錄三卷 胡氏格致叢書李氏青照樓叢書鮑氏知不足齋叢書均有此書陳氏探入五種遺規 文淵閣書目現存三卷三冊 浙江通志康熙府縣志嘉慶縣志並同

行 系 二 卷十五 藝文志下 子部

浙江圖書館藏

四庫提要儒家類袁氏世範三卷永樂大典本宋袁采撰案衢州府志采字君載信安人登進士第三宰劇邑以廉明剛直稱仕至監登聞鼓院是編卽其宰樂清時所作分睦親處已治家三門題曰訓俗府判劉鎮爲之序始更名世範其書於立身處世之道反覆詳盡所以砥礪末俗者極爲篤摯雖家塾訓蒙之書意求通俗詞句不免於鄙淺然大要明白切要使覽者易知易從固不失顏氏家訓之亞也明陳繼儒嘗刻之祕笈中句字諒脫特甚今以永樂大典所藏宋本互相校勘補遺正誤仍從文獻通考所載勒爲三卷云

劉鎮序曰思所以爲善又思所以使人爲善者君子之用心也三衢袁公君載德足而行成學博而文富以論思獻納之資屈試一邑學道愛人之政武城弦歌不是過矣一日出所爲書若干卷示鎮曰是可以厚人倫而美習俗吾將版行於茲邑子其爲我是正而爲之序鎮熟讀詳味者數月一日睦親二曰處己三曰治家皆數十條目其言則精確而詳盡其意則敦厚而委曲習而行之誠可以爲孝悌

爲忠恕爲善良而有士君子之行矣然是書也豈惟可以施之樂清達諸四海可也豈惟可以行之一時垂諸後世可也噫公爲一邑而切切焉欲以爲己者爲人如此則他日致君澤民其思所以兼善天下之心蓋可知已鎮於公爲太學合舍生今又蒙賴於桑梓荷意不鄙乃敢冠以骺骹之文而欲目是書曰世範可乎君載諱采淳熙戊午中元日 采自書其後云同年鄭公景元貽書謂余曰昔溫國公嘗有意於是止以家範名其書不 世也若欲爲一世之範則有箕子之書在今恐名之者未必人不以爲諂而受之者或以爲僭宜從其舊目此真確論正契余心敢不敬從且刊其言於左使見之者知不爲府判劉公之云云而私變其說也

袁廷樞後跋云此書見唐宋叢書及眉公祕笈陳榕門先生復探入訓俗遺規然皆非足本乙巳春予於書肆檢閱舊編得此宋本書分三卷有予從祖陶齋公表謝湖公跋二跋稱其校刻精善洵爲世寶是吾家故物也今刻入知不足齋叢書

欽獻子 宋袁采撰

宋史藝文志儒家類袁采世範下又欽獻子一卷 浙江通志引此列入雜家嘉慶縣志同

中隱對 宋留清卿撰

浙江通志引衢州府志中隱對留清卿獻之著西安人

府志列雜說無獻之字其下亦無西安人三字

康熙縣志作劉清卿嘉慶縣志注引舊志亦作留

按清卿爲刑部侍郎怙孫登紹興進士作劉姓者誤也趙志云號中隱有中隱對其書未見不知其情惟通志列入儒家儒術類大約亦講理學之書也

家範 明周洪撰

康熙府志著錄一卷隸世範下康熙嘉靖縣志非同

按洪字大猷弘治庚戌進士爲蒲令有善政又知易州陞南工都主事轉刑部郎出知安慶府孫祖濂玄孫一貫並紹家傳互見賓館常錄

志矩述 明程秀民撰

康熙府志講學類有程秀民志矩述康熙縣志同嘉慶縣志誤作志矩集列秀民

著習齋文集下

注引府志尤誤

程氏家乘秀民終母喪服闋薦補福建建寧知府時自述爲此書其開端云士君子立身天地間當自念此身荷天地祖宗父母之生成得爲男子能讀書識道理通達世務又幸自幼得師友之訓卽養於學遭聖天子之世邁迹科第登名仕版旣以榮身又以榮親又以榮及子孫恩莫大焉是故所貴於立志者挺立於貧賤之中而超脫於富貴之外其心之所期身之所行時之所遇雖不能大有所爲而綱常倫理出處進退其義利界限名節關防亦每以古人爲矩量時度力因事立功求少異於疇人庶不負於天地玷於祖宗父母而可名以爲人也又曰秀民資最魯無過他人但一念自立之志自幼卽能砥礪故致有今日叨登一第竊想二十餘年追維身之所履時之所值固未卽獵顯躋要以大其聲光而隨在建立因時進退亦頗自得於心而無愧於天地祖宗父母今年過五十氣漸衰朽乃強顏復出以求用於時恐晏安氣勝則慷慨志微不能不深省也因路途艱阻愧悔輒萌乃自述生平一得之見置之左右俾後日佩服以求勿忘樹立之念則庶乎可以語人矣全文都五千餘言

鄉約書 明孝道 疏問 求志說 明樂惠撰

康熙府縣志嘉慶縣志均著錄無卷數

按惠嘗從事陽明稱樂道學故有是著

性理彙要 明鄭子俊撰

康熙府志作性理彙要康熙縣志作性理纂要均無卷數嘉慶縣志同府志作彙要而注出舊志似誤

讀書錄抄 明葉秉敬撰

明史藝文志儒家類有葉秉敬讀書錄抄八卷 浙江通志引崇禎府志亦作八

卷列理學嘉慶縣志引府志入子部次蘭臺講會下

康熙府志未見此書而有讀
書錄抄釋毛愷著愷生秉敬

前非釋
此書

按康熙縣志載秉敬所著諸書內有讀書錄咏一卷書名卷數均有不同疑有錯誤或別是一書

徐子學譜 明徐日久撰

康熙縣志著錄嘉慶縣志失載今尚有明刻本一卷

按此書自敘歷官行事起萬曆庚戌迄庚申凡十年明刻本前有崇禎壬申三山韓廷錫撰西安公一篇冠於首略云其學以經世為主以爲舍經世別無出世事有志男子須於極勞攘中尋出勞攘不到所在倘不從茲鍛鍊卽有所悟終非實際故機事深茂隨方割決絕不見疲厭意嘗爲退居銘曰不諧於今恥辱而弗能婉有心胸而未顧若夫不言避趨不言命數不求援推不傍門戶

青

系

志

卷十五 藝文志下 子部

五

浙江寧波府志

浩浩乎信心以直行拳拳乎反身而退步如涉大海而舵在其手雖百折千回而莫予或阻者也其所行事輒手錄之久而成書曰卽此是學矣名之曰學譜劉忠定公盡心行已錄 清劉必鳴撰

康熙府志作劉必召著嘉慶縣志作必鳴注出府志

按召爲名字之誤康熙縣志人物傳必名字干岡以字證之名當作鳴養高泉石嘗以一編自娛藻鑑人物省身克已撰有家忠定公盡心行已錄一集

雙橋隨筆 清周召撰

康熙府志十四卷嘉慶縣志同

四庫提要儒家類雙橋隨筆十二卷浙江巡撫採進本周召撰召字公右號拙庵衢州人康熙初官陝西鳳縣知縣是編乃其甲寅乙卯間值耿精忠構逆避兵山中所作雙橋者其山中所居地也卷端標曰受書堂集而以雙橋隨筆爲子目殆全書中之一種歟前有自序稱老生常談誠不足採而藥石之言原以鍼砭兒輩

與世無關所自矜者集中大意在於信道而不信邪事人而不事鬼言理而不言數崇實而不崇虛竊以爲獨立之見若中流一砥云云雖自詡似乎太過而所言皆崇禮教斥異端於明末士大夫陽儒陰釋空談性命之弊尤爲言之深切於人心風俗頗有所裨惟其隨筆記錄意到卽書不免於重複尤漫又適逢寇亂流離奔走不免有憤激之詞是則其學之未粹耳

修齊纂訓 清葉淑衍撰

康熙縣志著錄十卷嘉慶縣志同

生生錄 清葉淑衍撰

康熙府志著錄八卷嘉慶縣志同

按淑衍字椒生康熙庚戌進士嘗預修府志

以上理學

老子解

宋毛友撰

尤氏遂初堂書目老子解毛友達可著 嘉慶縣志引此無卷數

荀

系

志

卷十五 藝文志下 子部

六

浙江舊志卷五

莊子膏肓 明葉秉敬撰

黃氏千頃堂書目莊子膏肓四卷葉秉敬著 浙江通志案崇禎府志作南華指

南康熙縣志亦作南華指南下注四卷嘉慶縣志並引之

陰符經注 陰符經要義 宋蔡望撰

浙江通志引宋史藝文志陰符經注一卷陰符經要義一卷

按宋志作蔡珪陰符經注一卷又陰符經要義一卷其下尙有陰符經小解一

卷共三種皆蔡珪撰非蔡望也不知道志所傳何本當別攷之

康熙府縣志均有陰符經注註字从言而無要義卷數亦不詳

康熙縣志人物傳蔡望咸平進士官中獄主簿注陰符經命翰林學士宋白看詳

白奏此書當祕嘉慶縣志引府志望以此書授中簿與此小異望進士選舉表亦失載但有列傳

陰符經注 宋陳師錫撰

康熙縣志書目原列兩種一蔡望著字作註一陳師錫著字作注

康熙縣志人物傳師錫子伯珍建中靖國初因言事謫衢州監酒因注陰符經古蹟志又有陳師錫宅

道書援神契 元吾邱衍撰

錢氏元史藝文志著錄一卷 浙江通志亦作一卷引成化杭州府志 嘉慶縣志引同康

熙府志無卷數 見宋瀛王禕傳及胡長孺文冢銘 以上道家

宗鏡錄 唐末永明壽禪師在衢撰

釋藏有宋釋延壽宗錄一百卷又御錄宗鏡大綱二十卷

晁氏讀書志宗鏡錄一百卷皇朝舊鈔僧延壽撰永明禪師本名延壽姓王氏除

杭人法眼嫡孫也建隆初錢忠懿命居靈隱以釋教東流中夏學者不見大全而

天台賢首慈恩三宗又互相矛盾乃立重開館三宗知法僧更相詰難至談險處

以心宗旨要折衷之因集方等祕經六十部華梵聖賢之語三百家以佐三宗之

義成此書學佛者傳誦焉天台者僧智顗也解法華經賢首者僧法藏也述華嚴

經慈恩者僧元奘也譯般若經袁本載緣因讀佛經云佛語心為宗乃制此錄

設或人間即引大藏經云以答之凡一百卷無延

姓下 浙江通志宗鏡錄一百卷引晁志附咸淳臨安志作一百二十卷又引

黃氏書目宗鏡廣刪十卷陶望齡著

康熙縣志唐末永明禪師駐錫衢州作宗鏡錄於天寧寺故此寺亦名永明禪院

清觀察如山題有一偈於寺云有禪有淨土猶如戴角虎現世為人師來生作

佛祖有禪無淨土十人九錯路貪境忽現前暫爾隨他去無禪有淨土萬修萬人

度但得見彌陀何愁不開悟無禪無淨土銅床並鐵柱百劫與千生沒個人依怙

跋云太末天寧寺建自梁天監三年本名吉祥宋改今額永明壽禪師住錫著宗

鏡錄百卷為從上祖言第一敬見世宗憲皇帝御製序同治丁卯觀察三衢因訪

之罕知者永明性教兼融定慧雙照於翠巖禪師處七度拈闢得最上一乘橫超

三界法門證無生忍入不退地為蓮宗二祖所說四科棟直指歸元闢顯實繼慧

遠祖為百千萬億劫有緣衆生開立地成佛門頭具無量無邊不可思議功德見

是倡者切勿當面錯過

二會語錄 元世愚禪師撰

藏經佛智弘辨禪師諱世愚號傑峯俗姓余氏衢州西安人著有二會語四卷

浙江通志據萬曆錢塘縣志作二會語錄世愚著西安人衢州府志作余世愚傑

峯語錄康熙縣志亦作傑峯語錄禪師余世愚著嘉慶縣志引同通志增余姓

按兩浙名賢外錄世愚西安人姓余氏虎跑寺志云號傑峯衢之西安人母毛

氏有姪夢觀世音送青衣童子覺而生自幼好禮佛長遂入蘭溪顯教禪寺受

具足戒後止南屏故此書亦載錢塘志晚歸主烏石山寺終宋濂爲作塔銘

楞嚴經注 楞伽經注 華嚴經注 法華經注 明釋無盡撰

康熙府志作葉無盡嘉慶縣志注引府志無盡本姓葉西安人龍游志楞嚴經注

楞嚴會解均無卷數

按無盡名傳燈取釋無盡燈之義互詳天台方外志

衢縣志 卷十五 藝文志下 子部

八

浙江舊志局五印

楞嚴玄義 明釋傳燈撰

明史藝文志傳燈楞嚴玄義四卷黃氏千頃堂書目同 日本續藏經作楞嚴經

玄義四卷傳燈述 浙江通志引澹生堂書目山陰祁承燾著卷數同府縣志均失載

楞嚴圓通疏前茅 明釋傳燈撰

黃氏千頃堂書目日本續藏經均二卷 浙江通志引澹生堂書目作圓疏前茅

圓下似脫通字府縣志亦不載

楞嚴圓通疏 明釋傳燈撰

日本續藏經十卷元維則會解明傳燈疏龍游二會解

楞嚴壇表法 明釋傳燈撰

黃氏千頃堂書目一卷通志引同

首楞嚴壇海印三昧 明釋傳燈撰

黃氏千頃堂書目二卷通志引同

菩薩戒懺 明釋傳燈撰

黃氏千頃堂書目一卷通志引同

般若融心論 淨土生無生論 明釋傳燈撰

黃氏千頃堂書目各一卷通志引同 日本續藏經淨土宗著述部淨土十要

九種即淨土生無生論一卷

維摩經無我疏 明釋傳燈撰

日本續藏經十二卷

觀無量壽佛圖頌 明釋傳燈述

日本續藏經一卷

阿彌陀經略解圓中鈔 大佑述傳燈鈔

日本續藏經二卷

法華經玄義輯略 明釋傳燈錄

行 卷十五 藝文志下 子部

日本續藏經一卷上四種並見大小乘釋經部

天台傳佛心印記注 明釋傳燈加注

日本續藏經二卷馮夢禎撰源流圖敘附見法華宗著述部

永嘉禪宗集注 明釋傳燈重編並注

日本續藏經二卷見禪宗著述部

諸經疏義 明釋傳燈撰

此書見余際熙 幽溪法師傳實即前數條所疏解之經也不必另有一書姑仍

龍游新志存之

吳中石佛相好懺儀 明釋傳燈集

日本續藏經一卷 龍游志又名禮吳中石佛起止儀式

性善惡論 明釋傳燈撰

日本續藏經六卷 自楞嚴圓通以下
舊府縣志均失載

金剛演說 明葉秉敬撰

浙江通志引崇禎府志 卷康熙嘉慶縣志同康熙府志無卷數

心經演說 明葉秉敬撰

康熙府志附金剛演說下嘉慶縣志附華嚴論貫下

貝典雜說 明葉秉敬撰

浙江通志引崇禎府志一卷嘉慶縣志引同

華嚴論貫 明葉秉敬撰

浙江通志引衢州府志一卷康熙志不載亦崇禎志也康熙嘉慶縣志並同

讀楞嚴 讀圓覺 明葉秉敬撰

康熙府志嘉慶縣志均著錄無卷數

按楞嚴圓覺均係梵經今府縣志並誤作圓覺

八大接引 明葉秉敬撰

衢縣志

卷十五 藝文志下 子部

十

浙江衢縣屬五縣
設立平民工廠印

浙江通志引崇禎府志一卷列入雜家康熙嘉慶縣志並同一卷次雜說下

蓮池片葉 清周世滋撰

此書刊於同治初年乃詮釋金剛經者 以上釋家

遁徇編 明葉秉敬撰

明陶珏齋說郭身三有葉秉敬遁徇編 浙江通志引崇禎府志遁徇編三卷明

誤列子部法家

按四庫書目有遁徇編五卷附詩言志下其所載乃雜錄對聯偶語與此似又

不同不知何也

鄧斤 明葉秉敬撰

浙江通志遁徇編下有鄧斤一卷康熙縣志有鄧斤無遁徇編嘉慶縣志引府志

列子部雜說今府志亦未見有此書姑依通志之 以上法家

墨子家言 明王家業撰

浙江通志引崇禎府志無卷數康熙嘉慶縣志並同

按通志載墨家僅此一書

以上墨家

耕譜 吳越慎溫其撰

浙江通志引弘治府志耕譜慎溫其著嘉靖府志有耕譜行於世康熙嘉慶縣志不敘時代亦均無卷數

按康熙志載慎溫其事吳越錢氏擢爲國官知禮從古其子孫也

經界捷法 宋袁采撰

康熙府縣志嘉慶縣志均著錄無卷數

按此蓋農家量田折算之書也

厚生訓纂 明周臣撰

康熙府志著錄康熙縣志作原生訓纂周臣著嘉慶縣志亦作厚生引舊志作周臣著

衍 縣志

卷十五 藝文志下 子部

十一

浙江舊縣志五縣

按三志記載不同府志列農家陳志列爲明代第一種書臣字子忠嘉靖間知府姚改周召未知何據

農林蠶說 清葉向榮撰

光緒間出版

按此書分天時種植及家庭日用飲食之所需要而尤重在蠶桑皆經實地試驗者以簡明淺近之言出之

以上農家

象緯歌圖 明葉秉敬撰

浙江通志引崇禎府志一卷康熙嘉慶縣志同

以上天文家

病機藥性賦 明劉全備撰

黃氏千頃堂書目有注解病機藥性賦二卷劉全修著西安人 浙江通志引黃氏書目同康熙府志作劉光大藥性病機賦康熙縣志又作劉光山著嘉慶縣志兩引之茲據洛陽劉氏譜更正

按劉氏譜光大字適菴精岐黃術元至元召對稱旨授衢州路醫學教授以醫世其家後人無不知醫者此書實爲劉全備著全備字實善光大孫全修或其本名也

周召序略曰吾鄉以醫名家者數姓而洛陽劉氏爲僑肝劉自遷衢祖適菴以廷對運氣策稱旨名噪於八數傳至實善公而天分彌朗喜讀羣書善著述所撰癩機藥性二賦行世已久識者以爲與沈存中治疾別藥之義味若水乳而剖析尤精於神農黃帝之旨並有功焉語云醫不三世不服其藥若劉氏者其微言妙諦豈僅三世而已哉

四時六氣權正活法論 明劉全備撰

此書據劉氏譜實善公行略補錄

方脈全書 明劉仕聰撰

黃氏千頃堂書目方脈全書劉仕聰著西安人 浙江通志引黃氏書目同康熙

續縣志

卷十五 藝文志下 子部

十一

浙江通志卷五十五

府志作劉光大康熙縣志作劉光山嘉慶縣志兩引之今據劉氏譜更正

按劉氏譜仕聰爲全備兄子全福子亦世醫也

袖珍小兒方 明徐用宣撰

浙江採集遺書總錄庚集袖珍小兒方明衢州徐用宣專輯小兒科諸方分七十

二門 浙江通志十卷引黃氏書目徐用宣著 刻本 永樂中衢州人

四庫提要存目袖珍小兒方十卷浙江范懋柱家天一閣藏本明徐用宣撰用宣藝文志藁作徽州人蓋字形相近而譌其書以脈訣爲首方論鍼灸圖形次之總七十二門六百二十四方蒐採頗備惟論斷多 舊文 無所發明耳是書作於永樂中嘉靖十一年續撫錢宏重刊以是書原本宋錢乙也

鍼灸大全 明楊繼洲編

六都楊氏宗譜著錄前志失載

四庫提要鍼灸大全十卷內府藏本明楊繼洲編繼洲萬曆中醫官里貫未詳據

其刊版於平陽似即平陽人也是書前有巡按山西御史趙文炳序稱文炳得此痺疾繼洲鍼之而愈因取其家傳衛生鍼灸元機秘要一書補輯刊刻易以今名本朝順治丁酉平陽府知府李月桂以舊版殘闕復爲補綴其書以素問難經爲主又肖銅人像繪圖立說亦頗詳賅惟議論過於繁冗

按繼洲縣南六都楊氏以在平陽治愈趙文炳疾故刊此書於平陽詹氏熙據楊氏譜認爲衛人宜可從

方聚 明徐日久撰

康熙府志嘉慶縣志著錄無卷數

府志日久自序云偶閱方書撮其經驗者訂定之列爲方聚

傷寒分彙 清徐養士撰

嘉慶縣志著錄十二卷王杰序陝西狀元東閣大學士

痘科記誤 清陳垣撰

書 卷 二 十五 藝文志下 子部

陳氏家傳一卷未梓

自序略曰道光庚戌天痘流行時醫多以瀉火爲治兒童受害不淺垣家損折二孫因閱各家痘書治法寒溫攻補各抒意見於日夜體察以爲痘必由感冒而發病標是痘病本屬傷寒治法當宗仲景因據傷寒論治其幼孫及里中貧乏小兒多效遂摘記痘科之誤凡二十三條爲一卷

醫家四訣 清陳垣撰

陳氏家傳四卷未梓

自序略曰醫學四書本草書經絡書方書脈書缺一不可者也第其功深皆難鹵莽而獲墳習之二十餘年先後得成本草備要後編及經絡提綱脈學尋源傷寒類辨諸稿然苦於繁多仍難記誦今約爲四訣便於初學問津例略云本草訣酌取安善常行之品以主用及症爲主約一百十一條每條約十味內外經絡訣攷靈樞部位及明堂正側諸圖依各經所歷舉其兩端脈訣於脈法精義中挈其要

領方訣述張仲景傷寒金匱及宋局諸方略附後賢數方約七十餘訂爲四卷

時病論 清雷豐撰

光緒癸未刊本八卷四册雷氏養鶴山房藏版

按此書以內經陰陽應象八句爲綱冬傷於寒春必病溫春傷於風夏生痄腮夏傷於暑秋必痄腮秋傷於濕冬生咳嗽分時立論附以經驗諸方初爲雷氏家藏版後因海內行銷漸廣滬市翻印者多後人遂將版權售出

醫家四要 清雷豐撰

光緒甲申刊本四卷雷氏養鶴山房藏版

按此書內分四種一脈訣入門二病機約論三方歌別類四藥賦新編薈萃羣書加以心得之語其及門佳釀江誠二生亦皆有所論列洵醫學之津梁也書之大要與四訣相彷彿陳本未見此獨刊行

眼科新新集 清吳嘉祥撰

行 卷十五 藝文志下 子部

十四

浙江舊書局五

光緒間刊本一卷有圖

痘疹撮要 清吳嘉祥撰

一卷未刊亦皆秘方要旨

本草詩 清江誠撰

一卷稿本未刊

按此書前有江誠小引略云藏書居士本草詩三百首嫌其太簡不免過於遺漏因細按本草之功能亦編爲七言絕句合計三百五十餘種云 以上醫家

孔六帖 宋孔傳撰

六帖 一云後

直齋書錄解題後六帖三十卷孔傳世文撰以續白氏之後也傳襲封衍聖公

文獻通考後六帖三十卷宋知撫州孔傳撰 竹堂書目作孔氏六帖十册

續通志曰孔六帖一百卷注宋孔傳增唐白居易之書 浙江通志康熙府志並

引書錄解題康熙縣志作續白氏六帖

衢州楊伯岳
六帖補另見

行 卷十五 藝文志下 子部

十五 浙江舊志五縣

居易六帖謂之六帖新書韓子蒼爲篇引以爲孔侯之書如富家之儲材懷棟枅
樓臺委山積匠者得之應手不窮其用豈小云云則宋人亦頗重其書矣後又有宋末知

傳書錄云字世文疑誤先聖之裔中丞道輔之孫也爲人博學多聞取唐以來至於吾宋

詩頌銘贊奇編奧錄窮力討論纖芥不遺撮其樞要區分彙聚有益於世續唐白

卷首所冠韓駒序則專爲孔傳續書作也復齋漫錄亦漁隱叢話所引稱東魯孔傳字聖

末矣黃朝英靖康細素雜記載白氏六帖有元祐五年博士王安世序此本佚之

渡之初尙無傳本王應麟玉海始稱孔傳亦有六帖今合爲一書則併於南宋之

書出於東魯兵燹之餘南北隔絕其本不傳於江左使學者弗獲增益聞見則南

知何人之所合又作一百卷不知何人之所分考胡仔苕溪漁隱叢話稱六帖新

六帖三十卷宋知撫州孔傳撰合兩書計之總爲六十卷此本編兩書爲一書不

陸氏誦宋樓藏書志載有白孔六帖三十八卷南宋刊本不全

丁氏善本書室藏書志載有唐宋白孔六帖一百卷明刊本全白氏六帖舊有元

祐五年王安世序今已佚此本冠以韓駒序乃專刻孔帖明證

按韓駒字子蒼嘗賦梅花詩幸有幽香當供給不辭三載住西安蓋南渡後與

孔傳同在衢城故爲之序

續尹氏文樞類要 宋孔傳撰

康熙府縣志均著錄無卷數

按府志此書列道家陳志類要作紀要列續白氏六帖下據兩浙名賢錄傳著

有續白氏六帖續尹植文樞紀要類亦作紀要仍次續六帖下

駢字集考 明葉繼撰

康熙縣志著錄康熙府志嘉慶縣志並爲葉秉敬著

按繼秉敬之祖也陳志列敬君先生遺著類目四十種而此書別錄在前當不